

清代專題檔案

康熙朝雨雪糧價史料

綫裝書局

劉子揚

張莉編

康熙朝雨雪糧價史料



二

綫裝書局

大學士收才伊桑阿謹奏，爲奏聞事。

竊二月二十六日酉時微雨，戌時微雨而止。近來終日仍陰雲不散。京城喜得甘霖，爲此，謹具奏聞。

大學士收才伊桑阿。

硃批：知道了。

二月二十二日子時微雨，丑時微雨，寅時
雨瀟瀟，卯時微雨而止。雷電皆有。此雨滲透
農田三、四指。二十三日寅時微雨而止。近來
連日陰，想必大雨將至。

事。

（山東）巡撫臣佛倫謹奏，為叩請聖主萬安
竊臣陞辭赴任，自十二月初四日抵界之日
始，山東大雪。問諸民人，皆言於麥子大有裨
益。等語。為此，謹奏。

巡撫臣佛倫。

硃批：著此等請安事宜，不必時常具奏，若

是關係地方，理應密議具奏之大事則奏來罷。
朕體安。

（山東）巡撫臣佛倫謹奏，爲奏報事。

竊臣曾以山東去冬今春雨雪調順，麥子生長甚好。等情具奏。三月至四月中旬，因不甚得雨，復又刮風，麥子收成六七分者亦有之，四五分者亦有之。自四月下旬始，間得雨水，百姓正於麥茬地各齊種豆、糧。山東省所獲麥子，僅供本省民食，仍可延續至秋收。是以謹將雨水及春麥收成情形，具摺奏聞。

內務府總管臣奴才海拉遜謹奏，爲奏聞事。

竊照本年四月十一日，以道士張大賓祈雨，明日即完。等因具奏。奉旨：著令再祈雨七日。欽此。欽遵。自本月十四日開始祈雨。十六日卯時微雨而止。酉時少下電大雨，不久即止。現仍令張大賓祈雨。爲此謹具奏聞。

硃批：亦令喇嘛等詈勉祈雨。

(山東) 巡撫臣佛倫謹奏，為奏聞事。

竊照山東省，仰賴皇上洪福，今年雨水調勻，東三府所屬地方，麥子約有八分收成；兗州府地方，亦同三府；唯濟南、東昌二府稍有不濟。雖有不濟，亦約有六七分收成。又現種雜糧生長，今看之甚好。為此奏聞。

硃批：聞山東麥糧消息，心神甚慰。著麥收後再報一次。

（山東）巡撫臣佛倫謹奏，爲奏聞麥子收成
分數事。

竊奴才前奏聞山東麥子約收分數，稼禾生
長情形。奉旨：著麥收後再報一次。欽此。欽
遵。查得，濟南府屬州、縣共三十，其中歷城
等五州、縣收成八、九分；長山等十州、縣收
成六、七分；齊東等十五州、縣收成三分、四、

五分。合計收成共五分餘。兗州府屬州、縣共二十七，其中濟寧等九州、縣收成十分、八分；滕縣等十八州、縣收成五分、六、七分。合計收成共七分。東昌府屬州、縣共十八，其中濮州等六州、縣收成七、八分；聊城等十二州、縣收成五、六分。合計收成共六分。青州府屬州、縣共十四，其中臨淄等十一州、縣收成七、八分；博興等三縣收成六分。合計收成共七分。萊州府屬州、縣共七，其中即墨等六州、縣收成

七、八分；高密一縣收成六分。合計收成共七分。登州府屬州、縣共八，其中寧海等五州縣收成七、八分；文登等三州、縣收成五、六分。合計收成七分。仰賴皇上洪福，今春雨水調勻，所收麥子，豐於往年，百姓甚爲歡悅。唯五月下旬，雨水稀少，於麥茬地種粟者或有之，尚未耕種者亦有之。再，春天所種之粟、高粱，今看之還好，並無旱情。爲此奏聞。

硃批：聞山東麥子收成分數，甚慰朕懷。

（山東）巡撫臣佛倫謹奏，爲奏聞秋糧收成
分數事。

竊今夏稍旱，有州、縣地方雖爲蝗蟲啃食，
然莊稼未甚受損，並未成災，故收才未敢奏聞。
茲據各府、州、縣報來秋糧收成分數：濟南府
屬德州等三州、縣收成九分；章丘等十九州、縣
收成七、八分；鄒平等八州、縣收成五、六分。

合計收成七分餘。兗州府屬曹縣等四州、縣收成十分；鄒縣等十四州、縣收成八、九分；濮陽等八州、縣收成七分；寧陽一縣收成六分。合計收成八分餘。東昌府屬恩縣等十四州、縣收成八、九分；清平等四州、縣收成七分。合計收成八分。青州府屬昌樂等六州、縣收成八、九分；博興等七州、縣收成六、七分；日照一縣收成五分。合計收成七分。萊州府屬昌邑等五州、縣收成八、九分；高密等二州、縣收成六、

七分。合計收成七分餘。登州府屬文登等四縣收成九分、十分；蓬萊等四州、縣收成七、八分。合計收成八分餘。等情。此皆聖主軫念黎元如赤子，感召天和，遂得雨水，秋糧豐收。是以奴才謹奏聞秋糧收成分數。

硃批：奏報糧食情形，知道了。聞路人云，沂州鄒城民糧歉收，生計維艱。等語。爾應核查。

巡撫臣佛倫謹奏，竊照奴才奏聞秋糧收成
分數，奉旨：奏報糧食情形，知道了。聞路人
云，沂州郯城民糧歉收，生計維艱。等語。爾
應核查。欽此。欽遵。復訪查得，沂州小米每
石銀一兩一錢，豆每石銀三錢六分，高粱每石
銀五錢。今年錢糧，已於十月內完納三分之二。
郯城縣小米每石銀一兩，豆每石銀四錢，高粱

每石銀三錢八分。今年錢糧於九月內俱皆完納。再，通省起解錢糧共計二百六十萬兩餘。將此，已於十月內完運十分之九有餘。沂州鄆城地瘠，民生一向拮据。此亦皇上所稔知者，今年所獲之糧，民尚可糊口。沂州鄆城沿途居民雖有成之年，婦幼亦多出門，乞錢於過往行人。是故，行路人據此而雲民生計維艱。奴才謹將復查情由奏聞。

硃批：知道了。